

Na osnovu Odluke Vlade Bosansko - podrinjskog kantona Goražde broj: 03-14-1193/19 od 29.08.2019.godine, o davanju saglasnosti na Programa utroška sredstava „Program podrške privatnim preduzećima i poduzetnicima na području Bosansko-podrinjskog kantona Goražde“ za 2019.godinu, utvrđenog na ekonomskom kodu 614500 za 2019.godinu, Ministarstvo za privredu Bosansko-podrinjskog kantona Goražde **objavljuje**:

JAVNI POZIV

za dostavljanje prijedloga projekta za sufinansiranje iz Programa utroška sredstava „Program podrške privatnim preduzećima i poduzetnicima na području Bosansko-podrinjskog kantona Goražde“ za 2019.godinu“ utvrđenih u budžetu Ministarstva za privredu Bosansko-podrinjskog kantona Goražde za 2019.godinu

I Predmet i svrha javnog poziva

Predmet javnog poziva je prikupljanje prijedloga projekta za sufinansiranje iz budžeta Bosansko-podrinjskog kantona Goražde u okviru Programa podrške privatnim preduzećima i poduzetnicima na području Bosansko-podrinjskog kantona Goražde za 2019.godinu.

Svrha javnog poziva jeste pružanje podrške razvoju privatnog sektora kako bi se stvorili uslovi za zapošljavanje, rast i razvoj privatnog sektora i unaprijeđenje privredne strukture Bosansko-podrinjskog kantona Goražde, a koji se nalaze na području Bosansko-podrinjskog kantona Goražde.

II Ciljne grupe

Na javni poziv ne mogu aplicirati ona privredna društva kojima su dodijeljena novčana sredstva, po bilo kojem osnovu po istom programu u protekle tri godine, kao i privredna društva kojima je sufinansiran dio profitne marže po kreditnoj liniji u BBI banci.

III Opšti i posebni ciljevi programa

Opšti cilj Programa je pružanje podrške malim i srednjim preduzećima sa područja Bosansko-podrinjskog kantona Goražde kroz podsticanje ekonomskog razvoja proizvodnih, malih i srednjih preduzeća i poduzetnika iz građevinarstva, proizvodnih i uslužnih djelatnosti Bosansko-podrinjskog kantona Goražde kroz podsticanje ekonomskog razvoja preduzeća.

Posebni cilj programa razvoj malih i srednjih preduzeća kroz podršku iz grand sredstava.

IV Način raspodjele

Maksimalni i minimalni iznos granta definisan je u rasponu od minimalno 5.000 KM do maksimalno 20.000,00 KM.

Prednost u pružanju podrške će se dati projektima koji imaju veće vlastito učešće u programu i koji omogućavaju ostvarivanje većih rezultata koji su predviđeni ovim programom

V. Pravo učešća

Opšti uslovi za učestvovanje u programu su:

- Da imaju registraciju na području Bosansko-podrinjskog kantona Goražde

- Da su registrovani kao privredna društva shodno odredbama Zakona o privrednim društvima F BiH;
- Da se ne nalaze u procesu stečaja ili likvidacije ili blokade računa;
- Da se prijedlog projekta ili zahtjev kandiduje u skladu sa odredbama Programa.

Privredni subjekti su pored opštih uslova obavezni ispunjavati i sljedeće uslove:

- Da su registrirana minimalno jednu godinu od dana dostavljanja aplikacije,
- Da imaju maksimalno 50 stalno zaposlenih radnika,
- Da djelatnost obavljaju na prostoru Bosansko-podrinjskog kantona Goražde,
- Da nemaju neizmirenih obaveza za poreze i doprinose, osim obaveza za koje su obuhvaćene ugovorom o reprogramiranju obaveza,
- Da su redovno dostavljali Izvještaje o namjenskom utrošku sredstava za odobrena sredstva od strane Vlade Bosansko-podrinjskog kantona;
- Da su ispunile ugovorene obaveze po odobrenim grantovima Vlade Bosansko-podrinjskog kantona.

VI. Odabir korisnika sredstava

Sve dostavljene prijedloge projekata u skladu sa odredbama Programa, procjenjuje Komisija imenovana od strane Ministra za privredu Bosansko-podrinjskog kantona Goražde.

Nakon provedene procedure apliciranja, selekcije i evaluacije, najbolje rangirani prijedlozi projekata će biti odobreni nakon što Vlada Bosansko-podrinjskog kantona donese Odluku u skladu sa odredbama Programa.

VII. Obavezni prilozi

Aplikanti su dužni dostaviti prijedloge projekata u formi koja je propisana od strane Ministarstva za privredu Bosansko-podrinjskog kantona Goražde. Forma za dostavljanje prijedloga projekata može se preuzeti sa internet stranice www.bpkgo.ba.

Uz prijedlog projekta, aplikanti su obavezni priložiti:

- Ovjerenu Izjavu da u posljednje tri godine nije koristio poticajna sredstva u Ministarstvu za privredu;
- Sudsko rješenje o registraciji sa svim pojedinačnim priložima;
- Uvjerenje o izmirenim obavezama po osnovu javnih prihoda od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;
- Izvještaj o finansijskom osiguranju (bilans stanja i bilans uspjeha za prethodnu godinu);

Uvjerenja nesmiju biti starija od 3(tri) mjeseca računato od dana podnošenja zahtjeva, a kopije Uvjerenja i drugih dokumenata moraju biti ovjerene.

VIII. Podnošenje prijedloga projekata

Prijedlozi projekata sa traženim priložima se dostavlja u zatvorenoj koverti na adresu:
Ministarstvo za privredu Bosansko-podrinjskog kantona Goražde
ul M.Tita 13, Goražde 73000,

sa naznakom: za javni poziv za odabir korisnika sredstava po Programu utroška sredstava “
„Program podrške privatnim preduzećima i poduzetnicima na području Bosansko-
podrinjskog kantona Goražde“ za 2019.godinu
„NE OTVARAJ“

Rok za dostavljanje ponuda je 15 dana od dana posljednjeg objavljivanja Javnog poziva na oglasnoj ploči Bosansko-podrinjskog kantona Goražde i sredstvima javnog informisanja.

IX. Ostale odredbe

Sa kandidatima čiji se projekt-program prihvati. Ministarstvo za privredu će potpisati Ugovor o implementiranju dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za natječaj mogu se dobiti svakim radnim danom putem telefona broja 038/228-640 od 08,00 do 16,00 sati.

Broj: _____
Goražde, _____

MINISTAR

Mr.sc.Mensad Arnaut